

26. oktober 2022

UKA2022/96

Meeqqat atuarfianni angajullerni inuussutissarsiutinut sammiveqartut atuartitsissutitut neqerooruteqarsinnaalernissamik periarfissiisinnaaneq pillugu Naalakkersuisut UKA2023 nallertinnagu

nalunaarusioqqullugit aalajangiiffigisassatut siunnersuut.

(Inatsisartunut ilaasortaq Aqqalu C. Jerimiassen, Atassut)

Siunnersuuteqartumut qujalluta Siumumiit imaattumik oqaaseqarfigissavarput

Sutigut tamatigut meeqqatsinnut atuartitsissutit nalilersortuarneqarnissaat pisariaqartartoq siumumiit tapersorsorparput.

Siunnersuummut Naalakkersuisut akissuteqarnerminni aamma paasitinneqarpugut suliniaqatigiiffiit assigiinngitsut pisortanik suleqateqarlutik inuussutissarsiornermut sammisunik meeqqatta ilinniartitaaneranut suliniuteqartut. Tamanna suleqatigiinneq pitsaasutut isigivarput.

Pisortat suliniaqatigiiffiillu aammalumi suliffeqarfiit suleqatigiinnerunissaat pisariaqartutut Siumumiit isumaqarfigivarput. Tamanna sumiiffikkaartumik aaqqissuunneqarnissaa sumiiffinni pissutsit aallaavigalugit, Sumiiffimmi meeqqat pisariaqartitaat ilisimaarineqarlutik ilinniartinneqarnissaat qulakkeerneqassammat.

Assersuutitat aamma taasinnaavarput Aasianni inuussutissarsiortut peqatigiiffitsik aqqutigalugu meeqqat ilinniartitaanerannut tunniussisalernikuummata, siunertarerpiarlugu suliffeqarfiit pisortat ingerlataanut allaanerusumik nalilimmillu tunniussaqaarsinnaanertik naleqartillugu akuliukkusussimaneranik.

Ilinniartitaanerli eqqarsaatigalugu Nunatsinni ilinniarneqarsinnaasut Siunissami inuussutissarsiutigisinnaasatsinut ineriartortikkusutatsinnut inuusuttatta ilinniartinneqarnerulersinnaanerit Siumumi sulissutigiumavagut. Ilinniartitaarnerit allaffissornermik sammisuninngaani Aatsitassalerinerimut, takornarialerinerimut nukissiuuteqarnermullu minnerunngitsumillu Aalisarnerimut tunngasut annertusisamik aallaaveqalernissaat siunnerfigeqqavarput.

Pilersaarutit suliniutaasullu aallaavigalugit siunnersuut Siumumiit itigartipparput.

Hans Peter Poulsen, Siumut